



kat.komp.

21857

III

Mag. St. Dr.

P

in the

Patasowski Casim. Stanisł. Anichora emerit.
honoris theologiae laurea.

PANEG. et VITAE

Polon. Fol.

№ 655.

ANCHORA

EMERITI HONORIS,
THEOLOGICA LAUREA

IN

PERILLVSTRI & REVERENDISSIMO DOMINO,
D.M. HYACINTHO
ŁOPACKI,

Philosophiæ & Medicinæ DOCTORE, Ecclesiarum
Cathedralis Cracoviensis CANONICO, Collegiatæ
Sandomiriensis DECANO, B. M. Virginis in Cir-
culo Cracov: ARCHIPRESBYTERO INFULATO

CORONATA;

DUM

SACRÆ THEOLOGIÆ DOCTOR,
IN ALMA UNIVERSITATE CRACOVIENSI

A

PERILLVSTRI & ADMODVM REVERENDO DOMINO

D.M. MARTINO
WALESZYNSKI,

Sacræ Theologiæ DOCTORE & PROFESSORE, Collega Majore, Ecclesi-
arum Collegiatarum S. FLORIANI, Scarbimirienlis & S. MICH A-
ELIS in Arce Crac: CUSTODE, S. GEORGIJ in Scepusio, & Premyko-
viensi PRÆPOSITO, Contubernij Hierosolymitani PROVISORE, Librorum
per Diæcesim Cracoviensem Ordinario CENSORE, Canonizationis B.
JOANNIS CANTIJ PROCURATORE, Studij Generalis Universitatis Crac:
PROCANCELLARIO ac interea Facultatis Theologiæ DECANO
RITU SOLENNI CREARETUR.

Stylô Oratoriô

Per M. CASIMIRUM STANISLAUM PAŁASZOWSKI,
Philosophiæ DOCTOREM Tylicianum Eloquentiæ Professorem, Collegam Majorem;

DELINEATA.

Annô Domini 1727. Die 27. Januarii.


CRACOVIAE TYPIS ACADEMICIS

In Gentilitium Stemma
PERILLUSTRIS REVERENDISSIMI
D O M I N I



Anchora LOPACII Malum sub sidera tollit,
In fundo laudis, quòd stetit ipsa notat.
Altius in littus Stellâ ductrice feratur,
Donec supremi tangat honoris opes.

PERILLVSTRIS
REVERENDISSIME
DOMINE.



Acer Theologicus honor
titulis terrestribus
major, vix unquam celsi-
us fastigium & ipsis Cælis
propinquius culmen ha-
bere potuit; quàm Tuam
tot Corymbis Doctoralibus Frontem redi-
mitam. Auges etenim decora decoribus,
pretium accumulas pretio, aurum adijcis
auro, floribus intermisces flores; virtuti-
bus

bus magnisq; meritis vernantissimus & pretiosissimus HYACINTHUS. Evolve Annalium fastos, & quotquot sedulâ lectione revolve Viros; omnibus una frontis parte coronari, una dote valere, & mentis qualitate eminere, satis ad gloriam fuit. Plana valuit divisione Socrates, acuta subtilitate Democritus, hyblæa suavitate Theophrastus, tortuosa implicatione Aristoteles, grata verborum varietate Carneades, sensuum pondere Zeno, minimè perplexa facilitate Themistius, eruditione totum in universum diffusa Simplicius supra cæteros excellebat. Vir viro & Heros Heroe præstabat quidem, sed dos quæ uni inerat, alteri deesse solebat. Qui una manu Orientem, altera Occidentem portavit Alexander Macedo, parva manu & exigua Militis copiâ maximas hostium novit vincere phalanges. Pyrrhus Epirotharum Regnator metationi castrorum scivit eligere campū. Annibal à teneris contra Romam rugando frontem, vincere; at uti victoriâ nescivit. Vidit Orbis Romanæ Parentem eloquentiæ Ciceronem Oratorem; Pompeium Imperatorem. Æstimavit Catonem Senatorem; Scipionem celeberrimū Bellatorem.

Inde

Inde varijs variæ Civium Servatoribus Ci-
vicæ; ab obsidione liberatoribus Obsidi-
onales, Rostratæ, Floreæ, aureæq; evene-
runt Coronæ, & nemini omnes. Alia Pto-
lomæum & Euclidem, alia Aristotelem re-
dimiebat Corymbus. Vitta quam Galenus
Æsculapiusve docto vertice portavit, exi-
mum antiquitatis Magistrum non vinci-
ebat Platonem. Totô frondiferô Parnassô
dulce eloqvij mare coronabatur Maro, sed
flores non nexuit in sui decoramentum ca-
pitis, quibûs Tullius redimiebatur. Deos
ipso hanc in paginam voco, & singulos sin-
gulis distingvi muneribûs adverto. To-
nans Iupiter tela trifurca gerit, quæ nun-
quam ad alium spectant. Monstrorum do-
mitor Hercules ita Clavam pressis manibûs
tenet, ne illam alteri concedat. Quo tu-
midas Neræi compefcit procellas fulcitur
solus Neptunus Tridente, Facundus Ne-
pos Atlantis Mercurius quanquam à diver-
sis Superûm secretis Nuntium agat, uno ta-
men caduceô insignitur. In merita & de-
merita hominum oculata Astræa, multis in
Areopagis, & Tribunalium subsellij unū
æquilibrium tenet, quo solo unicuiq; quod
suum est, mensurat, seq; ab alijs discrimina-

tam ostendit. Tota selectissima five Viro-
rum five Deorum cohors alta lege sibi de-
stinatis fungendo negotijs, nunquam mul-
tiplicî redimitur Insignî. Quod uni con-
cessum ab alio est remotû. Ast in Te RE-
VERENDISSIME DOMINE mista pro-
fluxêre dona, quæ distinctim alios efficiunt
fortunatos. Mentem Tuam Pandoram Su-
peri voluerunt esse, hæcq; in Te pulcherri-
mo illoq; concordî compendiârunt artifi-
cio, quibûs alij præcellebant. Imò ut sin-
gulorum munera cumulatiûs æstimarentur,
Tu unus præstas. Adæquâsti elevato inge-
nio summum Aristotelem. Æsculapio tri-
buebat Antiquitas Divinitatem, sed illam
ex Te habet veriolem. Sol Thomisticus
Tuo in pectore parælia pingit, quæ mentis
Tuæ adauges Phæbô. Plures Tibi similes
literarum & Literatorum Numen si sæpius
spectaret Minerva, viribus enervata pro-
prijs, tot & tam frequentes non sufficeret
Divina manu suppeditare Coronas. Vna
in aliam nectitur sinuaturq; corymbus, & ex
toto frontis tuæ Majestatem non redimit.
Binæ Philosophicæ laureæ quas Cracij Par-
nassi geminavit Apollo, tertiam addidit Æ-
sculapius Patavinus, & adhuc impar Tuis
Tem-

Temporibus visa. Necesse fuit, ut Tua erudita virtus ac merita simul toto coronarentur Academô, lauretumq; totum simul in unum Fronti Tuæ abiret sertum, nisi Ipse qui nemini soles esse molestus, tam gravi simultaneo labore Parnassia Nomina absolvenda censeret. Partitus es Tui Capitis coronamenta, justumq; Palladi spatium & intervallum temporis dedisti; ne ignotum esset, quòd æternitatis symbola doctarum præmia frontium laurus non nasci Tibi, sed fieri volueris. Veneror in Te Tergeminas Peraugusti Capituli Cracoviensis Coronas, Philosophicas & Galenisticas taceo, soli applaudo Laureæ Theologicæ. Imò etiam huic impar debilem ingenij Cymbam Tuæ Gentilitiæ alligo Anchoræ, & attonitus hæreo. Novi quàm vastum requiritur flumen, ut hanc excipiat Anchoram, quæ omne laudum attingit profundû. Habet Oceanum suæ gloriæ, latices Oratorios ne renueret, facile timerem, nisi scirem, quòd in Anchora spes firmæ soleant poni. Ergo publicis in solenni pro Sacra Theologia Doctoratu Tuo permotus plaufibûs Arma Virumq; tenui dictione cano, & quomodo ANCHORA Emeriti Honoris Theologicæ

Laureâ in Te PERILLUSTRIS & REVERENDISSIME DOMINE coronetur? testibus inscribo chartis, saltem inde floridum habiturus stylum, quod illum Tuis Hyacinthinis venerabundus subijcio plantis.

Pulchra meritorum decora, virtutis formosa merces Coronæ, frontes emeritas doctæq; tempora dum exornant, aliquando in Naves sinuari solent, jamq; non novum est cum laureato occinere Vate: *ECCE CORONATÆ PORTVM TETIGERE CARINÆ*. Vicit Lucullus Regem Ponti Mithridatem, laureatam navim lætæ nuntiam victoriæ Romam expedit. Dionisius tyrannus cum literas & humanitatem à Platone discere vellet, pro illo coronata navigia ordinaverat. Antiquitas succedanei magistra Orbis quoties superatis Neptuni procellis felicem portum beataq; appulerat Insulas, naves gratitudinis ergo coronabat, quidni & Anchora debeat coronari. Clavam vincebat monstra Hercules, cum clava inter sidera relatus. Orphæi cythara hunc apud Superos quem & ipse consecuta locum. Nec ab Apolline quomodo interfecit draconem divisus Arcus. Per radios serenus Titan cum radijs Princeps luminum nuncupatur. Per Anchoras
bea-

beatam Rhodum felices Insulas appellant
navigia, quas ipsa, has & illæ merentur Co-
ronas. Cæli ipsi Tuam Anchoram Neo-
Doctor Dignissime coronare videntur, ut
sidera testes. Major est quàm Argo-navi
Ialonis Tuæ Anchoræ honor & reverentia.
Illam Pòëtarum commenta inter sidera lo-
cant, ad hanc sidera descendunt. Auream
Anchoram in qua Solis & Lunæ imago fuit,
contra Augustum pugnaturum miserat olim
suo Antonio Ægyptiorum Regina; ad vi-
ctoriam an ipsi præluxerit? non inquirō.
Tuam reverenti oculō dum intueor Ancho-
ram, de ipsis Cælis triumphatricem vene-
ror, in qua dum & formam conspicio Cru-
cis, quid illi ad Coronas, quid ad victorias
deesse potest? Crux fastigium mundi bene-
dicit triumphis, sidera splendorem com-
mendant. Accendant alijs non postremū
jubar Majorum Cera, ipsaq; Lucina meri-
diem honoris ominetur. Tibi REVEREN-
DISSIME DOMINE & Natalium splen-
dor & inextincta Cæli sidera ita suo coru-
scanti famulantur lumine, suntq; Pharos lu-
cidissima, ut nisi in alto honoris Anchoram
figas. Sentit Regum Coronatrix Orbisq;
Poloni & Urbium Caput Cracovia, quæ
C 2 Tuæ

Tuæ Anchoræ debetur Corona. E Germania nostro finitima Regno per immensa meritorum latifundia portata, ad Hydaspē Polonum Vistulam, portum in Urbe Cracia naſta, quantum fuerit publicæ in magnis insultibus atq; procellis aureum retinaculum fortunæ, ab invitis testimonia præbentur. Adhuc tunc erat Consularibûs redimita Fascibûs, quando illi ad Cracium spectabant Prætorium, qui postea Curules Senatorias impleverunt. Gloria Tua Cracovia est, quòd in ipsa origine non parvis initijs crevisti. Magnus Princeps Tibi exordia dedit, cujus nomen retines. Magni Dynastæ & Proceres Tuos agebant Consules, ut in Urbium crederes Caput. Nunc cùm adhuc retineas Anchoram, spes in meliores assurgas, nunquam à felici portu removenda. Da reverentiam Anchoræ Gētilitiæ LOPACCIORVM quæ ut cæpit, Te hucusq; in dubijs firmat & Tuas integerrimas sortes ire in naufragiũ non permittit. Genus Tuũ Eruditissime Neo-Doctor à Clarissimis Nobilissimisq; Aboriginibus deductum umbratilem dictionem suo obruit splendore. Diffusum sanguinis per Fasces Consulares & Laureas Mare modicos oratio.

tionis rivulos absorbet. Solus mihi dicen-
dorū meta es, & Anchoræ Corona. Nihilo-
minus trado posteritati legendum Tuum
dignissimum Progenitorē, qui sibi aurō ce-
drōq; dignis meritis immortales promeru-
it characteres. Veneror Abavos Atavosq;
Tuos, quos ille in se compendiaverat. No-
bilissimus fuit Urbis Craciæ Consul, doctis-
simus Medicinæ Doctor, Clarissimus Pro-
fessor. Equitem Auratum facile memoro,
quia Virum æstimationis & pretij ingen-
tis. Quanquā HYACINTHVS in Ely-
sios felicitatis æternitatis sit transportatus Cā-
pos, famā tamen suā & meritīs immortalibus
nunquam marcescere potest. Ad pe-
netralia fatidici Apollinis admissus, ea se-
creta didicerat, quæ alijs vix mirari licet.
Quidquid splendoris per Europam & incly-
tas Academias diffusi, totum in animum
collegit. ILLUSTRISSIMO & REVERENDIS-
SIMO PETRO COMITI de Pilca KORYCINSKI,
PRÆPOSITO Generali Miechoviēsi, ad SERE-
NISSIMUM & PŌTENTISSIMUM
PRINCIPEM CAROLVM, Hispaniarum
REGEM Catholicum, & ad SERENISSI-
MVM PETRVM Regentem Regni Lu-
sitaniæ Legationis munere fungenti sive

D

pro-

Prodromum sive Comitem egit, hanc viam
servavit, quam Aurora conjuncta Phæbo.
Orientis Domitoris SERENISSIMI olim
& INVICTISSIMI IOANNIS III. Polo-
niarum REGIS, Ducum in Klewan CZAR-
TORYNSCIORUM POTOCCIORUM MORSTI-
NIORUM multorumq; aliorum Procerum &
Principum amor ingensq; delictum osten-
dit, posse in Polonia Æsculapios esse, totius
ad invidiam Orbis. Annis sexaginta erudi-
tissimum Professore in Vniversitate Cra-
coviensi egit, sex super quadraginta vici-
bus Pro-Consulis munere functus, quanta
Professori emeritissimo sapientia! quanta au-
thoritas Conso! Cyneas disertissimus Co-
ronata siue coronanda Regum Capita quo-
ties salutabat, se talem monstrabat Mer-
curium, qui dignus erat ipsos alloqui Joves.
Apud Magnates Ephestio, siue ex particu-
laribus siue ex Generalibus Ordinum Re-
gni Comitibus aliter non solebat redire, nisi
latus Civitati Nuntius. Sub tempus obfi-
dionis ultimam Cracoviæ ruinam minantis,
minimè Leonis Svetici perterritus rugitu,
juratam erga Sacram Regiam Majestatem
servavit fidem. Liliatô leniô venerandus
in flore Civitatis jura & literarum privile-
gia

gia retinebat. Egit Catonem severum, sed in vitia, quæ sola fulminatorem sui agnoverunt; justitia virtutesq; omnes tutamen & integerrimum veneratæ statorem.. Pande-
bat Vrbi consilia, legum promebat oracula, quibûs ipsa Themis non promeret veriora. In Consulari Senatu primus, Mobile primum dici & esse meruerat, non tamen præpeti aut violento imperio; sed prudenti & matura deliberatione omnia dirigebat ad secundos Civitatis successus. Noverat cunctis periculis & ipsis fatis occurrere viam, priusq; illis profunditate limatissimi sensûs foveam in quam caderent, erigebat, antequàm patentem Craci poterant ingredi Portam. Docta acroamatum suavitate, comitatis excellentiâ, morum & gestuum elegantia, non cerussato candore, etiam ab invitis amorem sui extorquebat, simulq; reverentem ingerebat stuporem. Viridi spectabiles ævô juvenes in gravi Sene plusquàm octuagenario vegetum mirabantur animum, coævi invidere timebant, ne in virtutem ejus viderentur peccare. Consul suæ sæculo & ingeniorû Phænix, in cineres resolutus mortales, ex illis sibi gloriæ immortalis sulcitat Olympum. Agno-

scunt in Cælos ejus pietatem Divorum Al-
taria, liberalitatem egeni profitentur. Aca-
demica Lycæa sonant ejus Professoralem
eruditionem, Aulæ narrant experientiam.
Prætorium digna Cælestis Astrææ Maje-
stas, suum meminit Dictatorem. Sanè ut
ejus species digna Imperiò, vivis coloribus
exhiberetur Orbi, Appellis penicillò opus
esse censeo, Imò nec opus, Tu Perillustis
Reverendissime Domine Magnum Paren-
tem viva exprimis imagine. Boni odoris
apud Posterorū HYACINTHUM auges & accu-
mulas Tuo, Major Parente quòd evadas,
ejus gloriæ incrementum. Vtiq; Philippus
Pater pro ingenti sibi triumpho & enco-
mio reputavit, quòd minor fuerit magno
Filio. Ex vernantissimo juventæ flore jam
Tibi ipsæ necebebantur Coronæ, earum, nec
inde tantum capax, quòd in Coronatrice
Regum Cracovia fueris natus. Literariam
ingressus Arenam, veriùs quàm Perseo ro-
sæ in Tui Coronamentum Capitis fiebant,
consurgebant. Eâ facilitate percipiebas li-
teras, quasi priùs eas nosceres, antequàm
nascereris. Molestissima Artium rudimen-
ta pulcher Tibi fuerant lusus. Inter docti
Pierij Musas Apollinem agere videbaris.

Per-

Perplexadifficultatum arcana, & implicati
Parnassij montis recessus, aperti Tuo capa-
cissimo ingenio patebant. Tullianus Cam-
pus nunquam sibi floridior visus, quàm cum
Te habuit HYACINTHVM. Brevi amæ-
nissima linquens Ciceronis flumina irruisti
in tortuosos Aristotelici Eurippi vortices,
in quibus nunquam naufragium passus, fe-
licibûs auspicijs ad fortunata Philosophicæ
Scientiæ non sinè læto celeusmate littora
enatasti. Acutæ sunt spinæ Logicæ, multos
pungere solent; Te amæniter oblectabant,
& in mentis acumine illis acutior evasisti.
Vocalia Philosophi Organa longè vocali-
ora reddidisti; tantumq; spiritûs eruditi il-
lis inspirâsti, ut non Tu illis sed Te illa a-
nimarentur. Sub Regali Magni Iagellonis
manipulo hanc bonam literarum collegisti
frugem, ut ex illa quisq; Tibi optimam o-
ptimamq; honorum messem non inanî au-
guriô promitteret. Annis adhuc tenerior,
jam talem eruditionem præteferebas, quæ
& maturos ætate, licèt Heliconem inhabi-
tent, non semper ornat. Aristoteles sub
Magistro Platone evasit quidem summus
Philosophus, sed diu Discipulū agebat. Ti-
bi Magistri seduliq; Professores ad hoc tan-
E tum

tùm fuerunt necessarij, ut Caput ingeniũq;
stuparent. Cæpisti studiorum Cursum qua
finis erat; tunc jam veteranus profectu,
quando alij inchoant tyrociniũ. Tunc in
meta portuq; scientifico stetisti, quando alij
à littore solvunt. Tunc de hoste mentibus
inlenso ignoratiã, solennit triumphasti pom-
pã, dum alij adhuc meticulosi prodeunt in
certamen. Nexuit Philosophica Pallas bi-
nas Tuis temporibus laureas, quibus exin-
de ingens felicitatis accedit viror, quòd
fuerint altiorum ampliorumq; Coronarũ
prodromæ factæ. Ius potiùs ad Tuam sibi
usurpant frontem, quòd alijs priores. De-
lata Athleticis Tuis lacertis Academici ho-
noris & laboris Insigne Toga, quæ Te in-
tra Cracias Athenas non reddidit quiescen-
tem. Mentis magnitudine excessisti scien-
tiarum Philosophicarum terminos, nec illis
major, poteras teneri. Tota Europa pate-
bat eximijs qualitatibus, Roma Orbis Ca-
put provocabat ingenium. Placuit in una
Urbe Vniversum videre Orbem, & ab uni-
verso videri. Itaq; Cracoviã reliquisti, dul-
ces Penates, amaro implevisti mærore, mil-
lena illis gaudia allaturus. Sequor Gra-
datione Oratoria Te in Italiam pergen-
tem

tem, sed vereor calcare vestigia, quæ satis
magna gloriâ eminēt, quòd ea præseris. Eò
stupore umbra cum sole verſor, Tecum Pa-
tavij, quò in Te rapiebant cuncti. Vehe-
menter illo in horizonte licet ardeat Tytan;
copioſæ lucis exuberantiâ Tuorum lumi-
num aciem non obruit, potius calentiſſimo
ingenio ac mentis doctiſſimæ Phæbo inten-
ſiorem efficiebas calorem. Ostendiſti La-
tiæ Regioni quid valeant vaſta Polonorum
ingenia? quomodo caleant, doctamq; cal-
leant Minervam? Opinionem in fidem ver-
tiſti, quòd gelida Arctos Bootes frigidus
fervidæ non obſit menti. Academico Pa-
tavienſi luco intuliſti Tuò ingeniò lucem.
In Æſculapiorum Lycæis in Hyppocraticis
voluminibus, nulla ſe adeò involuta obtulit
difficultas, quam non facilitatem redderes,
Nulli oſtentabâtur recessus, quos non pene-
traſſes aviditate ſciendi. In occultis rerum
arcanis excelluit Plinius, quem pudet ſuæ
excellentiæ, dum Tu ades Excellentiſſimus.
Ars Pæonia ſi priùs Apollinem non habuiſ-
ſet Inventorem, Te ſuum profiteretur Au-
thorem. Ante Doctores Æſculapij Lau-
reas par Æſculapio habebaris. Fieri ta-
men non potuit, ut non fieres inclytiſſi-

mus Doctor Medicinæ. A virentibus enim
quomodo potueras excusari Corymbis,
in cujus manibus plurimi vitæ suæ flores
ne marcescerent, reposituri erant. Aliorum
id non Tua utilitas svadebat. Expeditiùs
ut in aliorum ires commoditates, rotun-
da erat è Galenorum manibus Cydaris
capienda. Hanc admittis in Tua tempora
sed Patavium dimittis. Mutas locum, eun-
dem retines animum, ne sis diversus sub
vario Cælo. Novus difficultatum Hypo-
craticarum Victor, Capitolium ingrederis
Romanū, nunquam ab Appia virtutis de-
viando. Intra Romulea versaris mænia, sed
non illa curiositate, quâ vel marmorum su-
perbiam vel diruta lapidum frustra, vel Pa-
latiorum fastum revideas, aut antiquæ Ro-
mæ cadavera refodias è ruderibus. Pro Co-
lossis & obeliscis qui alijs obicem ad seria
ponunt, Tibi erant librorū Columnæ. Ignes
vestalium ubi olim arserint, ne inquireret,
Tibi Cleanthis, ad illa quæ Tui muneris erāt
accēdebas lychnum. Apud Te ignis vesta-
lis ponitur DEI amor. Ad omnes pietate ef-
fusus Aras, dignus aris efficiebaris, imò Te
ipso pietatis Aram erigebas. Primos omni-
um dierum ortus, à Mari gratiarum prodi-
re

111
re Tibi flagitabas. Remotis oculorum il-
lecebris clausus intra mentis profundissimæ
sacraria cum DEO ipso & Superis agitare
consilia solebas, & Te Romæ, qualem esse
oportebat, gessisti. Superum dona ac favo-
res in Te collegisti, quos in alios largiri
soles. Romanorum Medicorum cathalogo
adscriptus, omnium votis respondes. V-
nus Æson Iasonis Pater à Medea reco-
ctus, in juventam restitutus, fabulam, non
fidem facit; veriores Æsones sunt, quos
Tua docta manu eripuisti fati, & novam
vitam agere jussisti. Præscriptio Tua fe-
lix, cui medelam svasit, dosimq; propina-
vit, mortis toxica & pocula non bibit.
Felices pulveres, qui de Tua sumebantur
manu, mortales cineres, in vitæ auram com-
mutabant. Atfixi lecto, leviores cruciatus
sentiebant, quibus magnum levamen Tua
præsentia fuit. Agebant grates Superis,
quòd illis eo tempore infirmari continge-
bat, dum Te suo Hippocrate licuit gaude-
re. Inde tot Romæ vocales habes Tuæ glo-
riæ Colossos, quot ab umbris mortis vindi-
casti. Ipsi Archicænobij Apostolici S. Spiri-
tûs muti parietes, loquuntur experienciâ nec
illi desinent loqui, quos vocis & vitæ spiri-

tu animasti. Christiani Anima Orbis di-
ctorū vegetat fidem quanquam exanimis
est Sanctissim⁹ olim INNOCENTIUS XIII. qui
adhuc in Eminentissimo Cardinalatu de sa-
nitatis cardine motus, Tuam Reverendissi-
me Domine sollicitam agnovit curam. MI-
CHAELI ANGELO nocte dieq; adstitisti
Custos, & tamdiu languentem saluberrim⁹
firmabas remedj⁹, donec incolumitati red-
deres firmæ. Quantā MICHAEL, quantā
Orbis Tibi obligationem debuit! quando
Eum subijci non permiseras fatis, qui su-
premæ præfuit Sedi, tantumq; profuit, quā-
tum ad bonum regimen Ecclesiastico suf-
fecerat mundo. Serenissima Poloniarum
Regina M A R I A Casimira, Liliorū Gal-
liæ flos eminentissimus, Magni olim I O-
A N N I S III. Regni & tori socia, Romæ
hoc singulare solatium habuit, quòd vidu-
os mærores in Te partiri solebat. Sere-
nissimus Poloniarum Princeps ALEXAN-
DER, Regiorum compendium decorum,
animo invictus Heros, Te de suo pectore
triumphare facile permisit, & inter alios
familiarissimum Ephestionem habuit. Quā
ob rem nemo Te apud Principes acce-
ptior, nemo intimior fuit. Movisti Cardi-
nalia

nalium amorem, Eminentissimâ Nomina
ipso Tui occurſu in æſtimationem magna-
rum qualitatũ flecebantur. Cordis ad
intima Te quilibet invitabat. Eminentis-
ſimi Principis Romanorum LANTI de
la ROVERE, Summis Triregijs in San-
ctiſſimis olim SIXTO quarto, IVLIO ſe-
cundo optimè noti, primus amor & obje-
ctũ favoris fuiſti. Diem ſe clementiſſimus
Princeps perdidiffe ratus, quoties illi à
corde abfuiſti. Nec illam horam albo
calculo dignam cenſuit notatu, quâ in Te
ſuũ non explicuit candorem. IOSEPHVS
de la TREMOILLE Sereniſſimi Regis Galli-
arum Miniſter, Cardinalis Eminentiſſimus,
dum in Te propenſiſſimos augmentabat af-
fectus, etiam ſui honoris incrementum no-
ſcebat, quòd Tua fuerit familiaritate poti-
tus. IOSEPHVS MARIA THOMASIVS ex
Principibus Lampiduſæ & Palmæ Clericus
Regularis, maximi ſanguinis unio, itâ Tecũ
certavit amore, ut Tibi uniret omnem. An-
te Eminentiſſimum Cardinalatũ & in ipſo
Cardinalatu quòd Tibi fuerit addictus, quis
non æſtimabit? Ab illo benedictionem ac-
cipiebas, Eiq; familiaris fuiſti, qui pietate &
vitæ ſanctimoniâ inſignis, ob miraculorum

copiam inter sanctorum choros relatus, pro
Venerabili declaratus. Sanè quisq; opti-
morum, quisq; Illustrium in Te defigebat
oculos, explorabat animum. Stupebant
loquentis voces, profunditatem mentis
& ingenium mirabantur. Respondit Ro-
ma suo anagrammati amor, quem ibi eti-
am ab illis habebas, qui virtutem erudi-
tam, cum æmulari nequeant, sæpè odio
prosequuntur. Ut proborum corda virum,
ut Principum magnorum affectus, ita Gen-
tes ipsæ de Te mutuū quoddā æmulationis
iniebat certamen. Polonia Te sibi po-
scebat, Italia in Te possessionem ex decen-
nio, quod ibidem peregisti, meritò sibi usur-
pabat. Orbis compendium Roma septem
suos opponere videbatur colles, ne Te suū
Incolam magis, quàm Hospitem facilè di-
mitteret. Cracovia Gentilitias continuò
patere volebat portas, quas desideratissi-
mus ingredereris. Traxit tamen Te amor
Patriæ & ab exteris, Dijs propitijs revoca-
vit. Placuit omnibus adventus Tuus, &
præcipue Lubieniano Capiti ad mentem
fuit. Nempe Celsissimus olim Princeps Il-
lustrissimus & Reverendissimus CASIMI-
RVS LUBIENSKI, Episcopus Cracovi-
ensis

ensis, Dux Severiæ, ut Te Româ enixis e-
vocavit studijs, ita intimo pectori admisit.
Ad sua immortalia facta, quibus Ecclesias,
Univerſitatem, Xenodochia, totamq; Dioe-
ceſim ornavit, hoc adijcere cenſuit, quòd
Te Virorum gemmâ æſtimaverit. Quidni
æſtimaverit? Alius mente puſio montes
narrare ſolet; nullibi Incola aut Urbium
venuſtatem, aut columnarum ordinem,
aut ſtatuarum eminentiam enumerat, vix
non ſtatua cenſendus. Tu ille redijſti ab
exteris, qui nec tranſverſo ungve à Patrijs
remotus virtutibus, mentem integerrimâ
tenens, ipſa decora dicis & elegantias ſpi-
ras. Etiam cùm taceas, eſt quid diſcatur
ex Te. Ampliſſima omninò Tuum Biblio-
theca Caput, quò quidquid panditur, eſt
propter audientes eruditio. Verbis, penes
non ceruſſatum candorem uteris, ut num-
mis, ſingulæ oris rotundi dictiones, ſingu-
læ gemmæ annulò æternitatis dignæ. Quam
ob rem, qui Regnum in pace, libertatem
in vigore, Cives cum Majeſtate in con-
cordia, Præſul ſtabilivit Pedò, Celiſſimus
PRINCEPS Illuſtriſſimus & Reverendiſſi-
mus Dominus, CONSTANTINVS FELI-
CIANVS in Szaniáwy SZANIAWSKI.

Episcopus Cracoviensis, DVX Severiæ,
Studij Generalis Universitatis Iagelloniæ
Cancellarius, quàm in Te firmum conteste-
tur affectum, Sacerrimus Mystra profite-
ris. Dicent Annales, explicabūt fasti, quis
& quantus exstas? Curam ægritudine lan-
guentium corporum, nunc & animarum
geris. Accedis ad Divorum Aras, ad quas
Te dignè sequi profana nequit eloquentia.
Cor & affectum cū Tibi resignaverit,
Perillustris Reverendissimus Dñus DOMI-
NICVS LOCHMAN, Canonicus Cathe-
dralis Cracoviensis in Archipresbyteratū
Te sibi succedere effecit. Quid amor mu-
tuus valeat? Pyladem & Orestem, Casto-
rem & Pollucem, ampliùs in memoriam
antiquitas non producat. Pulchra inver-
sione antequàm Presbyter, quòd jam Archi-
presbyter eras, amoris industria fecit. Stu-
puit exemplum Cracovia, quod necdū si-
mile observaverat. Pontificalium ornamē-
torum usum, quem novum an obloletum
Christophorus Trzcinski, olim Archipre-
sbyter Cracov: laboriosissimò procuravit
studiò, quomodò Reverendissimus depo-
nat LOCHMAN? Alij Dominico majores
Insulas inhiare censebant. Alij fidem
di-

dictis negabant, quomodò Pedum de manibus dimitti potest? quod aliquando ambire gloriosum est. Se ipsos alij incusabant, quòd minùs erant capaces retinendi in Pastoralis cura Dignissimũ Prælatum. Omnes tamdiu dubia torquebantur anxietate, quousq; Atlanti non viderunt succedere Alcida. Eventu læti, successu lætissimi, in Superos utrumq; referunt. Solem Dominicum exemplò vitæ ac virtutibus sibi prælucentem vidit Cracovia, Te Phæbum habet. Illum Argum circa curas Pastorales, Te centoculum obleruat. Quousq; hianti ore prominebit Infula, narrabit posteris, se ideo à Reverendissimo repositam LOCHMAN, quòd in Te similẽ transferreretur Prælatum. Ad Vavellanas Coronas citra Infulas, hīs ornari censetur, cùm Te videat Infulatum. Extra inclytissimum Dominicanorum Ordinem, pulchrum & gloriosum est HYACINTHO Dominicum imitari; nec cessat hōc Dominicus lætari. Est quid Tibi gratuler Reverendissime Domine: Tui honoris tyrocinia Infula & Pedũ, hōc fultus, illā exornatus, in Cracium conscendas Vavellum. Trinum Peraugusti Capituli decus, Coronæ, Te omnis perfectionis

nvitant Myſtam. Tunc pretioſiores futu-
ræ, quando illis infereris Hyacinthus. Cel-
ſiſſimi, Illuſtriſſimi, Perilluſtres, Reverēdis-
ſimi Prælati, Canonici, quotquot ſunt, Te
in ſuum Epiſcoporum Seminariū vocant.
Infulata Infulandaq; Capita ſenſum ſuum
aperiunt, quòd eis debeas adnumerari In-
fulatus. Deest mihi tantum eloquij flumen,
ut omnium in Te effuſum celebrem affe-
ctum. Apud primos in fronte Tui accepta-
tio, alij pectoris intima pandunt, nec quis-
piam eſt, qui cum primis paritate non cer-
tet, & Tibi principalem non exhibeat pro-
penſionis candorem. Totus major illeq;
Perauguſtus Chorus attollit in Te conſo-
nantiam amoris. Perilluſtris olim & Reve-
rendiſſimus IOANNES LUCZKIEWicz
Canonicus Cracoviensis, ires ut in Vavel-
lum, omni alacritate egit Præcurſorē. Vl-
tra Octuagenarius de Celſiſſimis Præſu-
libus bene meritus, pietate ac vitæ ſan-
ctimoniâ inſignis, foundationibûs in Eccle-
ſias & literas, elemoſynis in noſocomia
munificus, in omni progreſſu vitæ Vir ſe-
cundum Cor DEI, Myſtes & anima ſancta
ampliùs in vinculis corporis mortalis re-
nuit eſſe Ioannes. Imò triſtia lætus ſubire
fata

fata videbatur, Te quando in sui Canonica-
tū dignissimū viderit & reliquerit succes-
forem. Caucasus emineat Vavellus, in
Te propensis animis non ponit metam.
Aligeri lunt, ruunt volantq; in Te, quocūq;
ascendas. Anchora Tua vim magnetis ha-
bet in affectus. Regius Sanguis, Duces in
Zbaraz & Wisniowiec WISNIOVIEC-
CIJ, in Tuum Regale Sacerdotium, plenō
æstimationis profluit Tagō. Mystrarum,
Scipionum, Clavarū, Primarumq; Curuli-
um Oceanus, Celsissimus LUBOMIR-
SCIORUM Sreniáwá, hōc quō in Patri-
am, in Te exundat amore. Armatus Du-
cum CZARTORISCIORUM, Orbis Po-
loni defēsor Eques, Tecum optimō animō
decertat. Ver gratiarum amænum in Te
explicat perfectissimus Rosarum SZEM-
BECIARUM Ternio. Culmina honorum
tenens MYSZKOWSCIORŪ Volucris
nunquam debilem erga Te scribit bene-
volentiaē characterem. Revincit Te suō
vinculō MAŁACHOWSCIORVM Fa-
scia, & in suo retinet centro, quō magnos
complectitur honores. In plenilunio me-
ritorum WODZICCIORVM Cynthia,
cū sit mutationis nescia, constantes su-

H

orum

orum favorum in Te dirigit influentias. Longô syllabô numerandorum magnorum Principum & Procerum, quos brevis pagina non capit, cûm hæreas in affectibus, ausim Tibi adscribere Transcendentiam Philosophicam, ni simul magnum Theologum debeã venerari. Tanquam minores circuli Te aliæ hactenus redimebant coronæ, nunc tot fronte docta ut geras Cidares, quot in gyrû Planetarum volvuntur sphæræ, numerû Laureæ complet Theologica. Hæc, Zodiacus est, Solem Thomisticum defert, alias illuminat & nullam à suo regulari impedit motu. Omnes Doctorum ornamenta Laureæ, rotunditate cælestibus conformes orbibus, Te Dignissime Neo-Doctor habent Intelligentiã Motricem. Eò utiq; sagacissimô evasisti ingeniô, quô vix unquã cæterorû studiû eniti potest. Quasvis doctas Te in uno cõcludis Athenas & omnis Parnassus eminet Fronte. Non tacet Archipresbyteralis Infula doctissimos P O VODOVIOS, pientissimos S I OVIKOVIOS, Magnos GORSCIOS, Te ô quanto loquetur ore! Exemplum à Te inclyto Clero, qui in cursibus officiorum


ut

ut continuus maneat, Prodrum agis indefessum. Exemplum populo Cracoviensi; quem ne à via mandatorum DEI aberrare eveniat, Præsuleo dirigis Pedo. Sva-
vi regimine & Archipresbyterali cura omnes ad Divina allicis, soli gravem Tuæ directionis non possunt non agnoscere virgam, quos suum velle in devia ducit. Dies omnis in Tua Ecclesiâ propè Festum primæ Classis habetur. Quævis simplex feria ob accommodam devotionis harmoniam celebratur solennis. In omnibus festivitibus & ad omnes Pastorales functiones primus existis Mysta. Sola Infula & Pedum; non labor in Vineâ Christi, Te ab alijs distingvit operarijs. Attollis vocem in munere Concionatorio & nullus tam gravis somni Morphæus est, qui in virtutum & Præceptorum DEI non excitetur amorem. Cænam Domini sub tempus Hebdomadæ Sanctæ omnibus sapidam, doctissimo ita condis verborum sale, ut nisi his, non reddatur ad gustum, quibus propria in odio salus. Mellissimum Isocratem, veriore Hortensium Tua mellea & floridissima exprimis dictione. Nec facundus Tullius, nec eloquens Demosthenes, Te-


cum in cōparationē venire possunt; hic aliquando ne Græcos contra infensū hostem sua oratione animaret, & unanimem inter eos concordiam persuaderet, consultò raucecedinem passus, ille etiam pro Domo sua non rarò perorare solebat. Tu nisi pro Domo Domini disertissimus Orator & Ecclesiastes audiris vocalis. Gestibus ad omnem elegantiam compositis, defixos in Te audientium efficis oculos, sensibus catenas animos, plusquàm Mercurius aut Hercules Gallicanus. Præterijt more fluentis aquæ gratiarū magni lubilæi Annus, Tuam tamen exactam in administratione Sacramentorū curā omni Sæculo porriget præsentem. Secretæ Confessionum exceptiones, Te dignissimum Pænitentiarium & Tuorum Præsidem Pænitentiariorum non tacebunt. Denso nimis agmine Tua Reverendissime Domine merita virtutesq; incedunt, arctam connexionem cū inter se habeant, divisim nequeunt numerari. Singulæ clarissimè patent, sed solis instar oculos everberant & renuunt videri. Nemo tamen Memnonem agit, in quem suos radios spargunt. Aristidem Te suū integerrimum ferventibus implicatæ litigijs

gijs ad Regium sæpè Commissariū delatæ
 fatentur Causæ, quas acumine ingenij sem-
 per ad sensum iustitiæ resolvīs. Agit pro
 se fluidum Oratorem Tua Neo-Doctor E-
 ximie liberalitas, quàm aureo Pactolō gē-
 meoq; Hydaspē in ornamenta Ecclesiæ ac
 egenos profundis. Non est Parium aut
 Indiæ sed Tuæ singularis munificentia
 pretiosum Marmor, quo Altare erectum,
 Virgini & Matri dicatum, Ecclesiæ ma-
 gnificentiam auget: hac quàm in eleganti
 artificio gerit, nigredine splendorem dif-
 fundit. Profectò hæc est maxima Gentili-
 tiæ ANCHORÆ Corona, quòd Tua
 larga manu Navi Institoris MARIÆ
 consecratur. In tantum gratiarum Mare
 demissa, ingentibûs non poterit non abū-
 dare successibus, quos etiam nunquam
 marcescentes Theologica ominatur Lau-
 rea. Cingit coronatq; Tua doctissima
 tempora, sed amplioribus meritis minimè
 coronidem imponit. Ad virorem suum
 violas Tibi florere optat. Te ultimis Ia-
 nuarij quanquam revinciat, prima tamen
 honorum Tempia emeritæ vult patere
 virtuti. Solennes Doctoratûs Tui plau-
 sus, annua Festivitate sua, Ecclesiæ orisq;
 I aurei

aurei Doctor JOANNES CHRISO-
STOMVS recreat & auget. Boni Superi,
quas JOANNES etymo sonat, in Te Di-
gnissimum Theologum deducant gratias.
Semper honoribus assurgas Major; ho-
rizonti non uni pateat, quòd Tuum
Gentilitium Decus sit in Eccle-
sia Emeriti honoris
ANCHORA.



Biblioteka Jagiellońska



stdr0019179

